

U skladu sa članom 12. Pravilnika o kriterijima i načinu dodjele pomoći za obnovu oštećenih stambenih objekata od prirodne nesreće na području općine Tešanj broj: 02-49-2-1887-3/14/14 od 30.10.2014. godine Općinski načelnik raspisuje

**JAVNI POZIV**  
**za dodjelu novčane pomoći za obnovu oštećenih**  
**stambenih objekata od prirodne nesreće na području općine Tešanj**  
**za građane koji se nisu prijavili na prvi javni poziv**

**Član 1.**

Pravo na novčanu pomoć za obnovu oštećenih stambenih objekata od prirodne nesreće **iz maja 2014.** godine imaju isključivo građani općine Tešanj koji su vlasnici oštećenih stambenih objekata pod uslovom:

- 1) da je njihov stambeni objekat evidentiran u Evidenciji oštećenih stambenih objekata Općinske komisije za procjenu šteta Općine Tešanj,
- 2) da je vlasnik oštećenog stambenog objekta imao prebivalište na području općine Tešanj na dan **15.05.2014. godine** (u daljem tekstu: korisnik pomoći),
- 3) da nije učestvovao na Javnom pozivu za dodjelu novčane pomoći za obnovu oštećenih stambenih objekata od prirodne nesreće na području općine Tešanj objavljenog 31.10.2014. godine,
- 4) da na stambenom objektu nije procjenjena totalna šteta.

Podstanar ili drugi korisnik oštećenog stambenog objekta ne može biti korisnik pomoći.

**Član 2.**

Pod stambenim objektom smatra se skup prostorija namijenjenih za trajno stanovanje, a u skladu sa propisanim Standardima za obnovu i izradu stambenih jedinica i objektima ugroženih poplavama i klizištima.

**Član 3.**

Korisnici pomoći bit će pomognuti u obnovi oštećenih stambenih objekata u skladu sa raspoloživim sredstvima, a prema kriterijima utvrđenih u odredbama Pravilnika o kriterijima i načinu dodjele pomoći za obnovu oštećenih stambenih objekata od prirodne nesreće na području općine Tešanj.

Pomoć u obnovi oštećenog stambenog objekta mogu ostvariti vlasnici oštećenih stambenih objekata koji su obuhvaćeni drugim donatorskim programima pomoći, s tim da će vrijednost primljene pomoći biti umanjena od iznosa ukupne procjenjene štete oštećenog stambenog objekta.

## KRITERIJI ZA DODJELU NOVČANE POMOĆI

### Član 4.

Kriteriji služe kao osnov za procjenu potreba potencijalnih korisnika pomoći po potrebama i prioritetima, te osiguravaju da postupak odabira korisnika pomoći bude transparentan i uz poštivanje načela jednakosti u pristupu pomoći.

### Član 5.

Pravo na pomoć i iznos pomoći za obnovu oštećenih stambenih objekata korisnici ostvaruju prema redu prvenstva utvrđenom prema:

- A) Kriteriju iznosa štete na objektima i
- B) Kriteriju prioriteta.

### Član 6.

Kriteriji iznosa štete na objektima utvrđuju se prema:

1. Visini procjenjene štete na oštećenim stambenim objektima (Komisije za procjenu štete) korigovan faktorom raspoloživih sredstava.
2. Visini procjenjene ostale štete Komisije za procjenu štete:
  - a) ukupna procjenjena šteta do 2.000 KM - 5%,
  - b) ukupna procjenjena šteta od 2.001 KM do 4.000 KM – 10%,
  - c) ukupna procjenjena šteta od 4.001 KM do 7.000 KM – 15% i
  - d) ukupna procjenjena šteta preko 7.000 KM - 20%.

Utvrđena pomoć prema kriteriju 1. ovog člana će se uvećati za utvrđeni procenat iz kriterija 2.

### Član 7.

Kriteriji prioriteta utvrđuje se prema:

1. Postotku oštećenog dijela stambenog objekta koji se razvrstava u dvije kategorije:
  - a) preko 70% stambenog prostora,
  - b) do 70% stambenog prostora,
2. Broju članova domaćinstva i to:
  - a) domaćinstva sa članovima mlađim od 18 godina na dan 15.05.2014. godine,
  - b) domaćinstva bez članova mlađih od 18 godina na dan 15.05.2014. godine.
3. Ukupnim mjesečnim primanjima po članu domaćinstva i to:
  - a) bez primanja i stalnog primanja do 150 KM,
  - b) ukupno stalno primanje od 151 KM do 200 KM,
  - c) ukupno stalno primanje od 201 KM do 250 KM,
  - d) ukupno stalno primanje veće od 250 KM.

## Član 8.

Lista korisnika pomoći po kriterijima prioriteta i iznosa utvrđuje se kako slijedi:

R.br.	Kriterij prioriteta			Postotak od maksimalnog iznosa iz člana 9.
	Postotak oštećenosti stambenog objekta (Tačka 1.)	Broj članova domaćinstva (Tačka 2.)	Ukupna mjesečna primanja domaćinstva (Tačka 3.)	
1.	a)	a)	a)	100%
2.	a)	a)	b)	90%
3.	a)	a)	c)	80%
4.	a)	a)	d)	70%
5.	a)	b)	a)	90%
6.	a)	b)	b)	80%
7.	a)	b)	c), d)	60%
8.	b)	a)	a)	70%
9.	b)	a)	b)	60%
10.	b)	b)	a)	60%
11.	b)	a)	c), d)	45%
12.	b)	b)	b), c), d)	40%

Maksimalan i minimalan iznos biti će određen prema korigovanom faktoru oštećenog stambenog objekta.

## POSTUPAK DODJELE NOVČANE POMOĆI

### Član 9.

Sa svakim korisnikom pomoći zaključit će se Ugovor o načinu korištenja sredstava za obnovu sa jasno definisanim pravima i obavezama te rokovima za izvršenje zadataka Općine i korisnika pomoći.

### Član 10.

Korisnik novčane pomoći obavezan je uz zahtjev za novčanu pomoć predložiti lične podatke i sljedeće dokumente:

- kopiju lične karte,
- kućnu listu,
- uvjerenje o prebivalištu,
- dokaz o mjesečnim primanjima svih punoljetnih članova u domaćinstvu (potvrda, uvjerenje) i
- specifikaciju materijala i opreme za obnovu oštećenog stambenog objekta i
- potvrdu o bankovnom računu vlasnika oštećenog stambenog objekta.

Korisnik pomoći je dužan namjenski utrošiti dodijeljenu novčanu pomoć za obnovu oštećenog stambenog prostora i sačuvati originalni račun za svaki kupljeni materijal i opremu.

## Član 11.

U slučaju da se utvrdi da je korisnik pomoći u toku postupka ili nakon potpisivanja Ugovora, na osnovu neistinih i netačnih podataka ili na drugi protupravan način ostvario pravo na pomoć, zloupotrebio isto na način suprotan Pravilniku o kriterijima i načinu dodjele pomoći za obnovu oštećenih stambenih objekata od prirodne nesreće na području općine Tešanj, odnosno nenamjenski utrošio dodijeljenu pomoć ili da nije u ugovorenom roku otpočeo nabavku materijala i opreme, Općina Tešanj će raskinuti ugovor sa korisnikom pomoći i pokrenuti sudski postupak za povrat dodijeljenih sredstava radi dodjele istih drugom korisniku.

## ROKOVI ZA PODNOŠENJE ZAHTJEVA


### Član 12.

Zahtjev za novčanu pomoć u obnovi oštećenih stambenih objekata po ovom pozivu podnosi se na propisanom obrascu na šalterima općine Tešanj i općinskim uredima u Šijama, Tešanjci, Jelahu i Kaloševiću do **07.08.2015. godine do 16:00 sati**.

Uz zahtjev se obavezno prilažu dokazi kojim podnositelj dokazuje da ispunjava kriterije za dodjelu novčane pomoći zajedno s potvrdom o bankovnom računu vlasnika oštećenog stambenog objekta.

Dostaviti:

1. Oglasna ploča Općine Tešanj,
2. Uredi Jelah, Kalošević, Šije i Tešanjka,
3. MZ-e,
4. Web stranica Općine Tešanj i
5. Mediji.



OPĆINSKI NAČELNIK

Mr. Sc. Suad Huskić, profesor